

INSTITUT ZA ZDRAVLJE I SIGURNOST HRANE ZENICA

Broj: 02-4447 /24

Zenica, 06.12.2024.godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), te na osnovu preporuke Komisije za javne nabavke, a po provedenom postupku za nabavku roba – Nabavka ukapljenog naftnog plina-LPG, vd direktor Instituta za zdravlje i sigurnost hrane Zenica donosi

## **ODLUKU o izboru najpovoljnijeg ponuđača**

### **Član 1.**

Prihvata se preporuka Komisije za javne nabavke, te se Okvirni sporazum za nabavku roba Nabavka ukapljenog naftnog plina-LPG dodjeljuje ponuđaču **HIFA - PETROL d.o.o. Sarajevo** koji je dostavio ponudu broj JN-4893/24 od 28.11.2024. godine (broj ugovornog organa 01-6505/24 od 02.12.2024. godine) u kojoj je ponuđena ukupna cijena od 27.540,00 KM bez PDV-a sa popustom i rokom plaćanja od 60 dana.

Okvirni sporazum će se zaključiti na period od 2 (dvije) godine.

### **Član 2.**

Izabrani ponuđač nema obavezu dostavljanja originalne dokumentacije (ili ovjerene kopije) propisane tenderskom dokumentacijom jer je ista dostavljena uz ponudu.

### **Član 3.**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **Član 4.**

Ova odluka objavit će se na web-stranici ugovornog organa ([www.inz.ba](http://www.inz.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 5.**

Ova odluka stupa na snagu danom donošenja.

## **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-4152/24 od 15.11.2024. godine. Postupak nabavke je proveden otvorenim postupkom za koji je objavljeno obavještenje o nabavci broj: 7126-1-1-290-3-132/24 od 15.11.2024. godine na Portalu javnih nabavki. Postupak nabavke provela je Komisija za javne nabavke imenovana Rješenjem broj: 02- 4153/24 od 15.11.2024. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da su ukupno pristigle dvije ponude
- da su blagovremeno zaprimljene dvije ponude;
- da nije bilo neblagovremenih ponuda;
- da je nije bilo ponuda koje su odbačene kao neuredne u skladu sa članom 68. ZJN BiH;

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz

tenderske dokumentacije. Komisija je utvrdila da su dostavljene ponude uredne i potpune, prihvatljive prema obliku, sadržaju i potpunosti.

Komisija je izvršila rangiranje ponuđača po utvrđenom kriteriju za dodjelu ugovora (ekonomski najpovoljnija ponuda) i to kako slijedi:

Redni broj	Naziv ponuđača	Ukupna cijena ponude bez PDV-a sa popustom	Ponuđeni popust	Broj bodova po kriteriju - cijena	Rok plaćanja	Broj bodova po kriteriju – rok plaćanja	Ukupan broj bodova
1	HIFA-PETROL d.o.o. Sarajevo	27.540,00	4,67%	98	60 dana	2	100
2	ALMY d.o.o. Zenica	29.600,10	5%	91,18	60 dana	2	93,18

Nakon ocjene ponuda, Komisija je iste rangirala kako slijedi:

1. HIFA - PETROL d.o.o. Sarajevo – 100 bodova
2. ALMY d.o.o. Zenica – 93,18 bodova.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač HIFA PETROL d.o.o. Sarajevo dostavio urednu ponudu koja je ocijenjena sa maksimalnim brojem bodova (100 bodova), a obzirom da je kriterij za izbor najpovoljnije ponude ekonomski najpovoljnija ponuda, odlučeno je kao u članu 1. ove odluke.

#### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### **Dostaviti:**

- 1x HIFA - PETROL d.o.o. Sarajevo
- 1x ALMY d.o.o. Zenica
- 1x www.inz.ba
- 1x arhiva

